



“ТАСДИКЛАЙМАН”

Коген шаҳар Гиббиёт
бирлашмаси раҳбари

О.О.Зарипов

2022 йил

2022 йил « _____ » _____ даги

« _____ » -сонли баённомасига

ИЛОВА

(мазкур баённома ҳар бир буюртмачи
танлов ҳайъати томонидан кўриб
чиқилиб тасдиқланади)

**ТАНЛОВЛАРНИ ТАШКИЛ ЭТИШ ВА ЎТКАЗИШДА
ТАНЛОВ ҲАЙЪАТИНИНГ ИШ ТАРТИБИ
(РЕГЛАМЕНТИ)**

1. УМУМЙ ҚОИДАЛАР

1.1. Танлов ҳайъатининг иш тартиби Ўзбекистон Республикаси “Давлат харидлари тўғрисида”ги Қонунининг 7-боб, 56-63-моддалари талаблари асосида ишлаб чиқилган бўлиб, танлов комиссиясининг танловни ташкил этиш ва ўтказиш жараёнида олиб борадиган иш тартиби, функциялари, ҳуқуқ ва мажбуриятларини белгилайди.

1.2. Мазкур иш тартиби (кейинчалик регламент) тавсия хусусиятига эга, танловларнинг предметидан қатъий назар, танлов ҳайъати томонидан ўзгартиришлар киритилиши ва белгиланган тартибда буюртмачи томонидан тасдиқланиши мумкин.

1.3. Танлов ҳайъати, танловларнинг бевосита иштирокчиси бўлган ҳолда (танловларни ўтказиш жараёнида доимий орган), буюртмачининг буйруғи ёки бошқа фармойиш берувчи ҳужжати билан тузилади ва танловларнинг тартиботига доир масалаларни кўриб чиқишга, муҳокама этиб тасдиқлашга ҳуқуқлидир.

2. ТАНЛОВ ҲАЙЪАТИНИНГ ИШ ФАОЛИЯТИНИ ТАШКИЛ ЭТИШ

2.1. Танлов ҳайъатининг дастлабки йиғилиши, танлов ҳужжатининг расмийлаштириш жараёнида комиссия:

1. Ўз иш регламентини белгилайди ва уни тасдиқлаш учун ҳайъат раисига тақдим этади;

2. Кўриб чиқади ва тасдиқлайди:

- таклифларни кўриб чиқиш мезонларини;

- таклифларни очиш куни, вақти ва жойини белгилайди (махсус ахборот порталида ёки _____ сайтида эълон қилинган кундан бошлаб ахборот порталида белгиланган муддат тугагандан сўнг 3 (уч) иш кунда буюртмачи манзилида;

- айрим сабабларга кўра танлов ўтказилмай қолган тақдирда, такроран танловни ўтказиш ҳақидаги эълон махсус ахборот порталида ёки _____ веб-сайтида эълон қилинган кундан бошлаб 5 (беш) иш кундан олдин бўлмайди.

2.2. Ишларни хизматларни амалга оширишда қийматларидан, муддатларидан ва ишларнинг хусусиятидан қатъий назар, ҳар бир объект бўйича таклифлар алоҳида кўриб чиқилади.

2.3. Танлов ҳайъати қайсидир битта танлов иштирокчисига устунлик берадиган танлов таклифлари белгилашга ҳуқуқи йўқ.

2.4. Танлов ҳайъати йиғилишларда, қоидага кўра, таклифлар солинган конвертларни очади, малакавий баҳо беради ёки бошқа қарорлар қабул қилади.

2.5. Йиғилишларда танлов (тендер) хайъат раиси томонидан тасдиқланадиган ва иштирок этган барча танлов (тендер) хайъат аъзолари имзо чекадиган баённомалар юритилади.

2.6. Танлов хайъати котибининг вазифаларига танлов хайъатининг ишчи хужжатларини расмийлаштириш ҳамда ҳар бир бўлиб ўтган йиғилишларни баённомалаштириш киради, бунда хайъат котиби мустақил овоз бериш ҳуқуқига эга эмас.

2.7. Қоидага кўра, танлов (тендер) хайъатининг котиби этиб, танлов савдоси буюрмачисининг вакили тайинланади.

3. ТАКЛИФЛАРНИ ОЧИШ ВА КЎРИБ ЧИҚИШ

3.1. Таклифларнинг очилиши танлов хайъатининг йиғилишларида катнашиш истагини билдирган талабгорлар ёки уларнинг ваколатли вакиллари иштирокида куйидаги тартибда амалга оширилади:

- барча талабгорларнинг конвертлари кўздан кечирилади, уларнинг ташки кўриниши хайъат аъзолари томонидан тасдиқланган танлов хужжатларининг талабларига мос келиши керак;

- таклифларнинг тўғри расмийлаштирилганлиги текширилганда, кўриниши танлов (тендер) хайъат аъзолари томонидан тасдиқланган танлов хужжатларининг шартларига мос келиши керак.

3.2. Очилган конвертлар таркибда талаблар нотўғри расмийлаштирилганлиги аниқланса, талабгорнинг таклифи танлов (тендер) хайъат аъзолари томонидан овозга кўйилиб, таклифи кўриб чиқилмайди. Талабларнинг бирортаси тақдим этилмаган тақдирда, хайъат аъзолари томонидан ўрганиб чиқилиб муҳокама қилинади ҳамда овоз бериш йўли орқали қабул қилиш ёки қабул қилмаслик аниқланади.

3.3. Таклифларни ўрганиш талабгорлар ёки уларнинг ваколатли вакиллариининг иштирокисиз, тасдиқланган талаблар, мезонлар асосида ўрганиб чиқилади, бунда танлов хайъати раисига ва аъзоларига таклифларнинг асл нусхалари топширилади.

3.4. Берилган таклифларда нарх-наволар ва муддатлар бир хиллиги аниқланган тақдирда кўпчилилик овози билан ҳал қилинади, агар овозлар тенг бўлган тақдирда, танлов (тендер) хайъат раисининг овози ҳал қилувчи ҳисобланади.

3.5. Талабгорлар танловда иштирок этиш юзасидан ўз фикрини ўзгартириб, иштирок этишни истамаган ҳолларда берилган таклифи очилмасдан қайтариб берилади.

3.6. Агар таклифнинг ташки кўринишига зарар етган бўлса ва бундан талабгорнинг хабари бўлмаса, унда талабгор танлов хайъат аъзосининг йиғилишида таклиф очилиши вақтида бу ҳақида таъкидлаб ўтишга ҳақлидир. Бундай ҳолларда танлов хайъат танловлариини тўхтатиши ва текшириб кўриши учун талабгорнинг таклифини қайтариб бериши керак.

3.7. Агар таклифлар бериш муддати тугаган пайтда харид комиссияси томонидан танлов иштирокчиларидан танлов хужжатларида кўрсатилган талабларга мос келадиган камида иккита таклиф олинган бўлса, танлов ўтказилган деб топилади.

4. ТАНЛОВЛАР ҒОЛИБИНИ АНИҚЛАШ

4.1. Талабгорлар орасида ишлар хизматлар (калькуляция хужжатларини ишлаб чиқиш, аутсорсинг хизматлари) ишлаб чиқиш учун энг мақбул таклиф ғолиб деб ҳисобланади.

4.2. Танлов ҳайъатининг овозга қўйиш натижалари ҳақидаги маълумотлар махфий ҳисобланади ва ошкор этишга йўл қўйилмайди.

4.3. Танлов ғолиблари ҳайъат томонидан иштирок этиш истагини билдирган танлов қатнашчиларининг иштирокида эълон қилинади.

4.4. танлов ҳайъат томонидан келиб тушган таклифларга нисбатан қабул қилган қарори якуний ҳисобланади ва шартнома имзоланади.

5. ТАНЛОВ ҲАЙЪАТИНИНГ ХУҚУҚЛАРИ

5.1. Танлов ҳайъати талабгордан давлат Буюртмачилигида қандай объектларда (аутсорсинг хизматлари) амалга оширганлиги ҳақида тасдиқловчи далилларни хужжат шаклида талаб қилишга ҳамда қонун хужжатларига асосан бошқа ҳуқуқларга эга.

5.2. Танлов ҳайъати ўзининг қарори билан қуйидаги ҳолатлар бўйича:

- тақдим этилган хужжатлар танлов хужжатларининг талабларига мос келмаганда, нотўғри маълумот ва Ўзбекистон Республикасининг амалдаги қонунчилигига зид бўлган ҳоллар аниқланганда;

- агар танлов предмети ҳисобланадиган ишлар ёки хизматларни бажариш билан боғлиқ бўлган фаолият Ўзбекистон Республикаси қонун хужжатларига мувофиқ лицензияланиши керак бўлсада, талабгорнинг лицензияси бўлмаса;

- агар талабгорлар қайта ташкил этиш (бўлиниш, бирлашиш) тугатиш ёки банкротлик босқичида бўлган, мулки хатлаб қўйилган ҳолларда;

- муассислик хужжатлари, молиявий қатнашиш, ҳолдинг шаклида ва бошқа шаклларда ифодаланган бир-бири билан бевосита ташкилий-ҳуқуқий ёки молиявий боғлиқ бўлган ҳоллар мавжуд бўлганда;

- талабгорни четлатишга ва таклифларни кейинчалик ўрганмасдан танловдан четлаштиришга ҳақлидир.

5.3. Танлов ҳайъат танловларни ўтказиш жараёнида танлов иштирокчилари томонидан келиб чиққан фикр-мулоҳаза ва талабларни 15 кунлик муддатдан ошиб кетмаган ҳолда кўриб чиқиб, қарор чиқариши ва жавоб йўллаш ҳуқуқига эгадир. Танлов тартиботларидан келиб чиққан келишмовчиликлар ва низолар Ўзбекистон Республикасининг амалдаги қонунчилик хужжатларида белгиланган тартибда кўриб чиқилади.

5.4. Танлов ҳайъати талабгор томонидан тақдим этилган хужжатининг таркиби бўйича изоҳлар билан тушунтиришлар киритишига йўл қўйишга ҳақлидир. Бунда таклифнинг мазмунини, шу жумладан нархи ёки бажариш муддатини ўзгартирувчи тушунтиришлар беридишига йўл қўйилмайди.

5.5. Танлов ҳайъати қуйидаги ҳолларда:

- танлов ҳайъати томонидан белгиланган муддат якунига 2 тадан кам таклиф келиб тушса;

- барча таклифлар танлов хужжатлари шартларига мувофиқ бўлмаса;

- талабгорлар томонидан таклиф этилган нархлар эълон қилинган бошланғич нархга нисбатан юқори бўлганда;

- танлов ҳайъати томонидан асосланган бошқа ҳолатлар пайдо бўлса, ўтказилмаган деб ҳисоблашга ҳақлидир.

5.6. Танловнинг ўтказилмаган деб эълон қилиниши танлов ҳайъатининг мулкӣ ёки бошқа тусдаги жавобгарлигига олиб келмайди.

5.7. Танлов ҳайъати танлов тартиботлари бўйича ҳар қандай қарорга келиши мумкин, қачонки ушбу қарорлар тегишли қарорлар негизида бўлса.

6. ТАҢЛОВ ҲАЙЪАТИНИНГ ЖАВОБГАРЛИГИ

6.1. Танлов ҳайъати:

- танлов тартиботининг босқичларида кворумсиз (танлов ҳайъати аъзоларининг сони етарли бўлмаганида), камчилик овоз билан ва ёки танлов ҳужжатларининг талабларини ҳисобга олмасдан туриб танлов ҳайъати томонидан қарор қабул қилинишига;

- талабгордан унинг малака маълумотларига мувофиқлигини тасдиқловчи далилларни ҳужжатли шаклда тақдим этишнинг асоссиз талаб қилиниши;

- тақлиф мазмунини ўзгартирадиган тушунтиришлар ва тузатишларга йўл қўйилганлиги, шу жумладан нарҳлар ёки бажариш муддати ўзгартирилганлиги;

- танлов ғолибининг танлов ҳайъатининг очик мажлисида аниқланганлиги, танлов ғолибини эълон қилиш тартиботи бузилганлиги;

- танлов тартиботининг бошқача бузилишлари учун жавоб беради.

7. ЯКУНИЙ ҚОИДАЛАР

Мазкур иш тартиби танлов ҳужжатининг ажралмас қисмидир ва танлов ҳайъати томонидан кўриб чиқилгандан ва танлов ҳайъати раиси томонидан тасдиқланган вақтдан бошлаб кучга киради.